

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

**Z a k l j u č a k**

**o odbacivanju Prijave koncentracije privrednog subjekta INA- INDUSTRIJA NAFTE d.d. Zagreb,  
Republika Hrvatska**

**Sarajevo  
septembar, 2018. godine**



Broj: UP 02-26-1-018-17/18  
Sarajevo: 18.09.2018. godine

Na osnovu člana 25. stav (1) tačka e), člana 42. stav (2), u vezi sa članovima 12. i 14. Zakona o konkurenciji („Službeni glasnik BiH“, br. 48/05, 76/07 i 80/09), rješavajući po Prijavi koncentracije privrednog subjekta INA-INDUSTRIJA NAFTE d.d. Zagreb, ul. Avenija Većeslava Holjevca 10, 10020 Zagreb, Republika Hrvatska podnesene putem Seada Miljkovića, advokata iz Sarajeva, ul. Vrazova 8, 71 000 Sarajevo, Bosna i Hercegovina, zaprimljena dana 03.07.2018. godine, pod brojem: UP 02-26-1-018-1/18, Konkurencijsko vijeće Bosne i Hercegovine, na 37. (tridesetsedmoj) sjednici održanoj dana 18.09.2018. godine, donijelo je

### **ZAKLJUČAK**

1. Odbacuje se Prijava koncentracije privrednog subjekta INA-INDUSTRIJA NAFTE d.d. Zagreb, radi nepostojanja obaveze prijave koncentracije u smislu člana 14. stav (1) Zakona o konkurenciji.
2. Ovaj Zaključak bit će objavljen u „Službenom glasniku BiH“, službenim glasilima entiteta i Brčko distrikta Bosne i Hercegovine.

### **Obrazloženje**

Konkurencijsko vijeće je dana 03.07.2018. godine pod brojem: UP 02-26-1-018-1/18 zaprimilo Prijavu koncentracije privrednog subjekta INA-INDUSTRIJA NAFTE d.d. Zagreb, ul. Avenija Većeslava Holjevca 10, 10020 Zagreb, Republika Hrvatska (u daljem tekstu: Podnosilac prijave ili INA), podnesene putem Seada Miljkovića, advokata iz Sarajeva ul. Vrazova 8, 71 000 Sarajevo, Bosna i Hercegovina, koja se tiče Ugovora o kupoprodaji udjela kojim INA namjerava steći (...)\*\*\*% udjela u privrednom društvu ENI Croatia B.V. Amsterdam, Strawinskylaan 1727, 1077 Amsterdam, Holandija (u daljem tekstu: ENI ili Ciljno društvo) koje je u vlasništvu društva ENI International B.V.

Uvidom u podnesenu Prijavu, utvrđeno je da ista nije kompletna, pa je Konkurencijsko vijeće uputilo Podnosiocu prijave zahtjev za dopunu prijave dana 30.07.2018. godine aktom broj: UP 02-26-1-018-2/18, dana 27.08.2018. godine aktom broj: UP 02-26-1-018-4/18. Podnosilac prijave je Prijavu koncentracije dopunio dana 14.08.2018. godine podneskom broj: UP 02-26-1-018-3/18, dana 31.08.2018. godine podneskom broj UP 02-26-1-018-8/18 i dana 10.09.2018. godine podneskom broj: UP 02-26-1-018-9/18.

Po prijemu dokumentacije Konkurencijsko vijeće je utvrdilo da je Prijava kompletna i izdalo Potvrdu o prijemu kompletne i uredne Prijave, u skladu sa članom 30. stav (3) Zakona o konkurenciji (u daljem tekstu: Zakon), dana 17.09.2018. godine, pod brojem: UP 02-26-1-018-13/18.

Prijava je podnesena, u smislu člana 16. stav (1) Zakona.

Podnosioci prijave predmetnu koncentraciju namjeravaju prijaviti nadležnim tijelima za ocjenu koncentracije u Srbiji i Crnoj Gori.

---

<sup>1</sup> (...)\*\*\*Podaci predstavljaju poslovnu tajnu

Uvidom u dostavljenu dokumentaciju utvrđeno je slijedeće:

## **1. Učesnici koncentracije**

Učesnici predmetne koncentracije su privredni subjekti **INA-INDUSTRIJA NAFTE d.d.** Zagreb Avenija Većeslava Holjevca 10, 10020 Zagreb, Republika Hrvatska i **ENI Croatia B.V.** Amsterdam, Strawinskylaan 1727, 1077 Amsterdam, Holandija.

### **1.1. Privredni subjekt INA**

Privredni subjekt INA je dioničarsko društvo registrovano pod poslovnim imenom INA-INDUSTRIJA NAFTE d.d., u registru poslovnih subjekata kod nadležnog trgovačkog suda u Zagrebu pod matičnim brojem subjekta 080000604. Vlasnici dionica privrednog subjekta INA su Republika Hrvatska sa 44,8% dionica, MOL sa 49,1% dionica i privatni i institucionalni investitori sa 6,1% dionica.

Pretežna djelatnost privrednog subjekta INA je istraživanje i proizvodnja nafte i plina u Hrvatskoj i inostranstvu, prerada nafte i proizvodnja derivata u rafinerijama u Rijeci i Sisku (proizvodnja goriva) te u Zagrebu (proizvodnja maziva), maloprodaja derivata i drugih roba putem maloprodajne mreže, trgovina sirovom naftom i naftnim derivatima, i dobavljanje i prodaja prirodnog plina.

#### **1.1.1. Povezana društva privrednog subjekta INA**

Privredni subjekat INA na području Bosne i Hercegovine ima šest povezanih privrednih subjekata i to:

- „HOLDINA“ Društvo sa ograničenom odgovornošću za posredništvo, vanjsku i unutrašnju trgovinu krutim, tekućim i plinovitim gorivima Sarajevo je registrovan u Općinskom sudu u Sarajevo pod matičnim brojem subjekta 65-01-0857-08, INA – Industrija nafte d.d. sa 100% vlasničkog udjela;
- INA BL d.o.o. Banja Luka, ul. Ivana Franje Jukića 2, upisan u registar poslovnih subjekata u Okružnom sudu u Banja Luci pod matičnim brojem subjekta 1-17058-00, 100% vlasništvo INA -Industrija nafte d.d.;
- TGA d.d. Stolac, ul. Mihajla Viševića bb, Stolac, upisan u registar poslovnih subjekata kod Općinskog suda u Mostaru, pod brojem 1-595;
- Crosco International d.o.o. za naftne i geo servise Tuzla, upisan u registar poslovnih subjekata kod Općinskog suda u Tuzli pod brojem: 1-14211, 100% vlasništvo CROSCO, naftni servis d.o.o. Zagreb;
- ENERGOPETROL d.d. Sarajevo, ul. Maršala Tita 36, Sarajevo, upisan u registar poslovnih subjekata u Općinskom sudu Sarajevo pod brojem 65-02-0001-12, 88,65% vlasništvo INA-Industrija nafte d.d. Zagreb, Vlada Federacije BiH 7,6% dionica i 3,75 ostali dioničari;
- INA BH d.d. Sarajevo., ul. Azize Šaćirbegović 4, Sarajevo, upisan u registar poslovnih subjekata u Općinskom sudu Sarajevo, pod brojem 65-02-0003-13, u 100% vlasništvu INA – Industrija nafte d.d. Zagreb.

### **1.2. Privredni subjekt ENI (ciljno društvo)**

Privredni subjekt ENI Croatia B.V. je privatno društvo sa ograničenom odgovornošću, organizovano u skladu sa zakonima Holandije sjedištem na adresi Strawinskylaan 1727, 1077 XX Amsterdam, registrovano kod nadležnog trgovačkog registra (Handelsregister) pod brojem 000016753097. Osnivač i vlasnik privrednog subjekta ENI je ENI International B.V. sa 100% vlasničkog

udjela. Osnovni predmet poslovanja privrednog subjekta ENI je finansijski holding i sporedne djelatnosti u vezi sa proizvodnjom goriva i prirodnog gasa.

ENI CROATIA B.V.- Hrvatska podružnica, Heinzelova 70, 10020 Zagreb registrovan kod Trgovačkog suda u Zagrebu pod matičnim brojem subjekta 080160632, sa pretežnom registrovanom djelatnošću vađenje sirove nafte i zemnog gasa; uslužne djelatnosti sa vađenjem nafte i gasa, osim istraživanja; pokusno bušenje i sondiranje terena za gradnju; cjevovodni transport; i arhitektonske djelatnosti i inženjerstvo te sa njima povezane tehničko savjetovanje je filijala privrednog subjekta ENI u Hrvatskoj.

Ciljno društvo nema povezanih privrednih subjekta u Bosni i Hercegovini.

Privredni subjekat Eni je dio ENI Grupacije. ENI grupacija ostvaruje prihode u Bosni i Hercegovini direktnom prodajom petrohemijskih i naftnih proizvoda, putem svojih povezanih društava koja nisu registrovana u Bosni i Hercegovini i to: "Dunastyr Polystyrene Manufacturing Co Ltd" Budimpešta, Mađarska; "Versalis International SA" Brisel, Belgija, "Versalis S.p.A." Milano, Italija i društva Eni S.p.A. Rim, Italija.

## 2. Pravni osnov i oblik koncentracije

Pravni osnov predmetne koncentracije je Ugovor o kupoprodaji udjela potpisan 20.06.2018. godine (...)\*\*

Slijedom navedenog, pravni oblik predmetne koncentracije će biti sticanje kontrole jednog privrednog subjekta nad drugim privrednim subjektom u smislu člana 12. stav (1) tačka b) Zakona.

## 3. Pravni okvir ocjene koncentracije /transakcije

Konkurencijsko vijeće je u provođenju postupka ocjene dopuštenosti predmetne koncentracije primjenilo odredbe Zakona, Odluke o utvrđivanju relevantnog tržišta („Službeni glasnik BiH“, br. 18/06 i 34/10), te Odluke o načinu podnošenja prijave i kriterijumima za ocjenu koncentracije privrednih subjekata („Službeni glasnik BiH“, broj 34/10).

## 4. Relevantno tržište koncentracije

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta u proizvodnom smislu, relevantno tržište obuhvata sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebno njihove bitne karakteristike, kvalitet, uobičajenu namjenu, način upotrebe, uslove prodaje i cijene.

Prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cjelokupnu ili dio teritorije Bosne i Hercegovine na kojem privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Privredni subjekat INA (...)\*\*

Prema Podnosiocu prijave, kao relevantno tržište proizvoda se definiše **tržište eksploatacije odnosno proizvodnje (ekstrakcije) prirodnog gasa.**

Podnosilac prijave navodi da u smislu Zakona o konkurenciji, na relevantnom geografskom tržištu Bosne i Hercegovine ne dolazi do koncentracije jer učesnici koncentracije ne djeluju na relevantnom tržištu proizvoda i usluga u Bosni i Hercegovini.

Nadalje se u Prijavi navodi da je Evropska komisija u pogledu identifikacije geografskog tržišta, navela da je tržište proizvodnje prirodnog gasa, po svom obimu ograničeno na nacionalno tržište. Ovo ograničenje je prije svega posljedica teritorijalne ograničenosti koncesija i licenci za obavljanje ove djelatnosti kao i postojanje nacionalnih regulatornih tijela koja su nadležna za izdavanje licenci i superviziju poslovanja društava koja se bave ovakvom djelatnošću. Navedeno se primjenjuje i relevantno je za BiH tržište. U BiH je navedeno pitanje regulisano na nivou BiH entiteta, odnosno Federacije i Republike Srpske. Zakon o istraživanju i eksploataciji nafte i plina u Federaciji Bosne i Hercegovine („Službene novine FBiH“ broj: 77/13) i Zakonom o gasu („Službene novine Republike Srpske“ broj: 22/18) propisuje posebne uslove za obavljanje predmetne djelatnosti i licence nadležnih organa.

Konkurencijsko vijeće se radi utvrđivanja stanja i analize tržišta predmetne koncentracije, obratilo Finansijsko-Informatičkoj Agenciji FBiH i Agenciji za posredničko, informatičke i finansijske usluge Republike Srpske sa zahtjevom za dostavljanje relevantnih podataka, kojim je između ostalog traženo i da se dostave podaci o tržištu eksploatacije, proizvodnje (ekstrakcije) prirodnog gasa i privrednim subjektima koji na tom tržištu učestvuju.

Agenciji za posredničko, informatičke i finansijske usluge Republike Srpske, je dana 30.08.2018. godine putem maila dostavili tražene podatke, u kojem je navedeno da ne postoje subjekti koji su predali finansijske izvještaje za 2017. godinu, a da se bave eksploatacijom prirodnog gasa (šifra djelatnosti 06.20).

Finansijsko-Informatičkoj Agenciji FBiH je dana 12.09.2018. godine, putem maila odgovorila da za šifru djelatnosti 06.20 – “Vađenje prirodnog plina” u Registru finansijskih izvještaja ne postoji evidentirano niti jedno pravno lice.

U skladu sa navedenim, u Republici Srpskoj i Federaciji Bosne i Hercegovine ne postoje privredni subjekti koji se bave eksploatacijom prirodnog gasa, te samim tim predmetno tržište ne postoji u Bosni i Hercegovini.

## 5. Ocjena koncentracije

Obaveza prijave koncentracije privrednih subjekata, u smislu člana 14. stav (1) tačke a) i b) Zakona, postoji ako ukupni godišnji prihodi učesnika koncentracije ostvareni prodajom roba i/ili usluga na svjetskom tržištu iznose 100.000.000,00 KM, po završnom računu u godini koja je prethodila predmetnoj koncentraciji, i da ukupan prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM, ili ako je zajednički tržišni udjel učesnika koncentracije na relevantnom tržištu veće od 40,0%.

U skladu sa članom 14. Zakona, navedeni su podaci iz Prijave radi utvrđivanja postojanja uslova za obavezu prijave koncentracije, a vezano za ukupan godišnji prihod učesnika koncentracije u godini koja je prethodila koncentraciji. (Tabela br.1)

Tabela br.1

Privredni subjekti	INA	ENI	ENI grupacija
Svijet	(...)** KM	(...)** KM	(...)** KM
BiH	(...)** KM	-	(...)** KM

Izvor: podaci iz Prijave

Prema podacima iz Prijave (Tabela 1.) učesnici koncentracije nisu ispunili uslov ukupnog godišnjeg prihoda i uslov zajedničkog tržišnog učešća na relevantnom tržištu u smislu člana 14. stav (1) Zakona.

Na osnovu naprijed navedenog, utvrđeno je da Podnosilac prijave nije bio obavezan podnijeti Prijavu koncentracije u smislu člana 14. Zakona, te je odlučeno kao u dispozitivu ovog Zaključka.

#### **6. Administrativna taksa**

Podnosilac prijave na ovaj Zaključak, u skladu sa članom 2. Tarifni broj 108. tačka c) Odluke o visini administrativnih taksi u vezi sa procesnim radnjama pred Konkurencijskim vijećem („Službeni glasnik BiH“, br. 30/06 i 18/11) je dužan platiti administrativnu taksu u ukupnom iznosu od 1.000,00 KM u korist Budžeta institucija Bosne i Hercegovine.

#### **7. Pouka o pravnom lijeku**

Protiv ovog Zaključka nije dozvoljena žalba.

Nezadovoljna strana može pokrenuti upravni spor pred sudom Bosne i Hercegovine u roku od 30 dana od dana prijema, odnosno objave ovog Zaključka.

**Predsjednica**

**Adisa Begić**